

# 220 nelayan bot kecil terjejas

**Kawasan pendaratan ikan musnah dibadai ombak kuat**

NORHASPIDA YATIM

KEMAMAN

**S**eramai 220 nelayan bot kecil di Pantai Kuala Kemasik di sini terjejas apabila kawasan pendaratan ikan musnah akibat dibadai ombak besar sejak minggu lalu.

Pengerusi Persatuan Nelayan Kemasik (PNK), Abd Ghani Ismail berkata, ombak kuat menyebabkan perubahan kawasan sejauh 20 meter dari arah pantai dengan jarak sepanjang 200 meter.

"Biasanya lokasi ini menjadi tumpuan nelayan pantai untuk ke laut dan menjual hasil tangkapan.

"Malangnya, ombak kuat yang melanda musim tengkujuh ini menyebab-



Keadaan hakisan yang berlaku empat hari lalu.

kan kerosakan agak besar yang tidak pernah berlaku di kawasan ini seterusnya menjejaskan kemudahan yang ada," katanya ketika ditemui *Sinar Harian* hari ini.

Menurutnya, hakisan yang berlaku menyebabkan kerosakan di tujuh premis termasuk rumah, bangsal jualan ikan, surau dan kedai makan.

"Perubahan kawasan di

sini akibat masalah hakisan begitu ketara sejak musim tengkujuh. Ada antara penduduk di sini telah meninggalkan kawasan ini sejak awal lagi bagi mengelak kejadian tidak diinginkan," katanya.

Sementara itu, Exco Kebajikan, Pembangunan Wanita dan Keluarga dan Perpaduan Nasional, Hanafiah Mat berkata, masalah hakisan di Pantai Kuala

FOTO: ABD GHANI ISMAIL



Hanafiah (dua dari kiri) meninjau keadaan hakisan yang berlaku di Pantai Kuala Kemasik semalam.

Kemasik mendapat perhatian kerajaan dengan peruntukan kira-kira RM600,000 di bawah Jabatan Pengairan dan Saliran (JPS) bagi membaiki segera kerosakan di kawasan itu.

Katanya, kerja-kerja membina benteng di kawasan itu telah dijalankan sejak dua hari lalu dan dijangka selesai dalam tempoh enam hari.

"Pada asalnya, kerja-kerja pembinaan benteng pemecah ombak dilakukan di kawasan 200 meter ke arah pantai namun kerosakan yang ketara berlaku sejak 10 Disember lalu menyebabkan kerja-kerja itu dihentikan sementara.

"Usaha kini tertumpu kepada pembaikan kawasan yang rosak teruk akibat hakisan di sepanjang pantai ini," katanya ketika ditemui

selepas melakukan lawatan ke lokasi itu semalam.

Beliau berkata, sebaik kerja-kerja pembinaan benteng pemecah ombak dilakukan, keadaan di kawasan itu akan lebih selamat.

"Kita jangka kerja-kerja pembinaan benteng di kawasan itu akan berjalan semula pada Februari depan dan akan selesai pada Jun tahun depan.